

- 1^r Wer sicht eyn narren fallen hart
- 2^r Vnd er sich darnoch nit bewart
- 3^r Der gryfft eym narren an den bart



An narren sich stossen

- 1 Man sicht tåglich der narren fal
- 2 Vnd spottet man jr vberal
- 3 Vnd synt verachtet by den wysen
- 4 Die doch jnn narrenkapp sich brysen

5 Vnd schylt eyn narr den andern narren
 6 Der doch vff synem weg dūt karrhen
 7 Vnd stoßt sich do zū aller frist
 8 Do vor der narr gefallen ist
 9 Hyppomenes sach manchen gouch
 10 Vor jm enthoubten / doch wolt er ouch
 11 Sich wogen / vnd syn leben gantz
 12 Des wer nah gsyn vnglück syn schantz
 13 Eyn blynd den andern schyltet blyndt
 14 Wie wol sie beid gefallen synt
 15 Eyn krebs den andern schaltt / vmb das
 16 Er hynder sich gegangen was
 17 Vnd ging jr keyner für sich doch
 18 Dann eyner ging dem andern noch
 19 Eym stieff vatter folgt dick vnd vil
 20 Wer nit sym vatter volgen wil
 21 Hett Phaeton syn faren gelon
 22 Vnd Jcarus gemächer gton
 23 Vnd beid gefolgt jrs vatter rott
 24 Sie weren nit jn der jugent dot
 25 Welcher den weg Hyeroboam
 26 Gyng / keyner ye zū gnaden kam
 27 Vnd sahen doch / das plag vnd roch
 28 Gyng ståts on vnderloß dar noch
 29 Wer sicht eyn narren fallen hart
 30 Der lûg / das er syn selbs wol wart
 31 Dann das ist nit eyn doreht man
 32 Wer sich an narren stossen kan
 33 Der fuchs wolt nit jnn berg / vmb das
 34 Nyekeyner wyder kumen was /

g^{3r}g *ijj*